

## **Kurux - Livahi Buki Ve'ahihi - Salvation Scriptures**

**Epeso 2:2 Na mwalona bale'u mumugana yababadi ampaipaihowaidi, wuwuna alu'aluwa yababadi hiya yadi bada yana wahiyala alonai ammiyamiya yo am'awa'awa abiyei, eeta neta alu'aluwane, iya tauwalo sebasebaiwo himulimulitaei ta nuwadiyai imiyamiya.**

**Madiu 6:10 na a'awanoi ta owa uloinaegai, ta yam nuwatuwu ebeha apaihowai bale'uwai dova hiya galewai hipaiapaihowai.**

**Luke 22:42 iwalo, 'Tamagu yo, ebe nuwanuwam muya vedina teina aliguwena uvaivehulu. Havena yau yagu nuwatuwu ainaena, na hesi owa yam nuwatuwuwenen upaihowai.'**

**Yoni 16:7-9 Na hesi yawalo moiha alimiysi neta inamwanamwa alili ebe yalaugabaigomiu, wuwuna ebe nigele yayalaugabaigomiu Tauhagune mata nigele iyalaoma. Na ebe yalaugabaigomiu na yalau mata Tauhagune yavetamalenama alimiysi. 8 Ebe ilaoma, bale'uwai mata yadi paihowa yababana i'abiye mahalavadi na Yaubada yana paihowa namwanamwana yo yana lauvetala i'abiye mahalavadi. 9 Paihowa yababadi i'abiye mahalavadi wuwuna tomawa nigele hiyayemidiyegau.**

**2 Timoti 2:10 Teina vehabana yagu miya vitai aidiyena ya'alama'i'ita, na Yaubada ivesinuwaidi'o ebeha yahaguidi ta Yeisu Besinana ilivahidi eeta wasawasa vateyai hilobai.**

**Loma 15:20,21 Na wasa namwanamwana nuwanuwagu tupwa vauvaudi hiya aidiyai yaguguya mugai, hibom tupwadine nigele Besinana wasana hiyabenalei, wuwuna nigele nuwanuwagu na vali tauguguyao yadi paihowa yayemutulaidi. 21 Wuwuna Buki Ve'ahihi iwalo mahalava'o iwalo: 'Yaiyadiwo hiya Besinana wasana nigele hiyabenalei, mata howola abo hibenalei, na hinuwamasele'.**

**Paihowa 2:36,37 'Teina wuwuna Isileli maudoimiu amhanapui moiha ebeha Yaubada Yeisu bada i'awa Badaena'o ibom Besinana towahona na Yeisunane bada amtutuye patuya'o aiwa lagalagana ainai.' 37 Tomowaone Pita yana walo hibenalei na vehabana hinuwanuwatuwu mwala'ina, na Pita ma'ana geluwo aidiyai hipanivila, hiwalo, 'Tahimaiyao, bada alauhapuli'o. Vedova yama paipaihowa?'**

**Hibulu 4:2 Moiha wasa namwanamwana imohegita'o, dova hiya mugai imohedi'o, ta wasanane nigele iyahaguidi, wuwuna hibenalena'o na nigele hiyayemidiyei.**

**Yelemaya 24:7 - Madiu 22:37 Na Yeisu iwalo, ' "Bada yam Yaubada uvelauwei atem yo alu'aluwam yo yam nuwatuwu maudoina aidiyena".**

**Paihowa 16:14 Taubenaligaine ehebo neta Lidiya, wahu Tayatailaena. Iya**

**Iuwuluwu hawahawawalidi ivesegimwalaedi. Waihiune neta Yaubada ana tauwalo vetuvehae teya eeta nuwanuwana yo Bada i'abiho'e ainai na Paulo hava iwalowalowedine neta aidiyai i'awa moiha.**

**Madiu 13:14-16** ‘Tomowa teina vehabadi mwalona tauwalo mahalava Aisaya iwalo mugayedi, iwalo: “Mata ambenalei na nigele nuwamu hiyamasele. Na hinage mata am’ita, na mata nigele nuwamuhiyamasele. 15 Wuwuna tomowa teina nuwadi hipwanopwano, ta talinadi hi’wabali’o, na hinage mehedi higibu’o. Mata dova ta mehedi yena hi’ita, na talinadi yena hibenali na hinuwamasele, na aliguwai hi’ita gwaipile, ta ya’abiye namwanamwadi.” 16 ‘Na omiu mayami yaliyaya, wuwuna mehemiyena am’itaya’o na talinamiyena ambenalena’o.

**Aisaya 6:9,10 - Paihowa 28:27** Wuwuna tomowa teina yadi nuwatuwu hipwanopwano’o, na talinadi itui’o; na hinage mehedi ihoga’o. Mata dova ta mehedi yena hi’ita na talinadi yena hibenali, na hinuwamasele, na aliguwai hi’ita gwaipile, na ya’abiye namwanamwadi.” ’

**Maki 4:11,12** Na Yeisu iwalo, ‘Omiu bada Yaubada hanapu imohegomiu’o yo yana loina holadi amhanahanapuidi, na hesi tomowa bagibagilidi nigele. 12 Hiya walovegevegedi hibenalei na ana nuwamasele nigele hiyahanapui, na hinage ana hanapu hibehabeha na nigele howahowadi hilobai. Eeta hinage nigele howahowana yadi pwanoliwone aidiyena hinuwabui na Yaubada inuwahamuidi.’

**Yoni 12:39,40** Na hibom nigele hiyayemidi wuwuna Aisaya hinage Buki Ve’ahihi ainai iwalo mahalava, iwalo: 40 ‘Yaubada bada mehedi i’abiye gibudi’o, yo hinage yadi nuwatuwu i’abi auhidi’o, Eeta nigele howahowana ta mehedi yena hi’itadi, na nigele howahowadi yadi nuwatuwu ainaena hanapu hivai, na nigele howahowadi hi’ita gwaipilema aliguwai ta ebe ya’abiye namwanamwadi.’

**Loma 11:7,8** Yede vedova. Teina ainaena Isileli maudoidi hava hibehabehaeine nigele hiyalobai, na hesi ai vihaviha a'avamai Yaubada yana bodoa ivesinuwangai ta livahine alolobaine. Na maudoidi talinadine itui ta Yaubada yana yoga nigele hiya benalei. 8 Na Buki Ve’ahihi dova yana walomahalava, iwalo: “Mwalona ta wau Yaubada i’abiye nuwapwanopwano, ainaena mehedi igibuidi na hinage talinadi i’abiye tuidi”.

**2 Tesalonika 2:10/11** Wuwuna hiya wasa moihana hita’wata’wataei ta yadi tupwa neta dalava ala’alahina, ainaena Yaubada italamwedi’o ta Tomodulele yana oyama maudoina hiyemidiyei, na abo lauvetala hilobai, wuwuna ve’ita moihana hita’wata’wataena’o,

**Madiu 13:18-23** ‘Ainaena patu ana vehulu budebudeyana ana hanapu ambenalei. 19 Ebe yaiya Yaubada yana Abaloina aubabadana ibenali mohilei, na nigele iyanuwamasele, mata howola abo tauyababawa ilaoma

na walowowa towaho atenaena ivaivehuludi. Neta patuwa hibebe'une amwaha papalinai ana masele. 20 Na hinage patuwowa toputopu malagaigaimana ainai hibebe'une neta hiya wasa namwanamwana hibenalei ta mayadi yaliyaya hitalam, 21 na hesi nigele lamlamdi hiya yaiyai ainaena hauga ahu'ahubalina ta'i ainai himiyamiya, na ebe aiteya hauga ainai wasa namwanamwana ana yemidi vehabana vitai bo aleha hilobai mata hibe'u mwayamwayau. 22 Na patuwowa haihaili talitalina aidiyai hibebe'uwa hiya wasa namwanamwana hibenalei na hesi yadi nuwatuwu bale'u vehabana, na hinage wasawasa ana hamwawo aidiyena wasa namwanamwana hiyemwalowoi, ainaena nigele howahowana na hi'aino. 23 Na patuwa toputopu namwanamwadi aidiyai hibebe'uwa hiya wasa namwanamwana hibenalei na ana nuwatuwu aidiyai imiyamiya ta ainodi namwanamwadi imwauwidi. Tupwadi ainodi bagibagili alilidi, na tupwadi ahipuwai na tupwadi nigele hiya'aino ili'ilimani.'

**2 Kolinita 3:15,16** Na mwalona ta wau, haugana Moses yana loin a hivahili neta ale'one howola yadi nuwatuwu ilaulau'au'auhi. 16 Na hesi haugana tomowa i'ita gwaipileuyo Bada ainai neta Yaubada ale'one mata ivaivehulu.

**Hoseya 11:3-7 - Madiu 11:28-30** 'Eena omiu yaiyadiwo ami ava'aval yo yami paishowa vitaina, amlaoma aliguwai, na yave'aiyawasigomiu. 29 Na omiu amve'ao'aonaegau ta baidaguwao tapaihowa, na ainaena alu'aluwamiu yadi aiyawasi hilobai, wuwuna yau mumugagu hegohegoyana yo taunuwadobi. 30 Eena paishowa yo ava'aval yamohegomiu, malamalaidi.'

**Paihowa 26:18** Wuwuna nigele Yudeya aidiyena yavetamalego, na mehedi u'abiye maseledi, na guguyou ainaena hinuwabui masele ainai, na hinage Tomodulele yana wahiyala ainaena himahalavama na yadi yababa Yaubada inuwahamuidi, na yadi yemidi aliguwena mata Yaubada yana tomowa abamiya hilobai."

**2 Timoti 2:24-26** Na awapa'ipa'i'i Bada yana taupaihowao nigele iyallowoinanegita na hesi atemuyamuya yo ve'ita namwanamwana yo alama'i'ita. 25 Na hinage ada alehao aidiyai yada mumuga hegoyana ainaena ta'abiye dumwaludi, ta Yaubada ihaguigita na hinuwabui ta ve'itao moiha himulitaedi. 26 Na hinage Tomodulele yana hipwahipwa ainaena hidena, wuwuna hiya Tomodulele mwalona ihipwaidi'o, na ainai hivetaupaihowa yana nuwatuwu vehabana.

**Mehe'ita'ita 3:17-19** Na omiu amwalo, "Yau wasawasa, na ginauli maudoina howahowagu", na nigele amyahanapui ebeha omiu bada wewelohe, na atemuyamuyamiu, na hinage mehegibugibumi na bugebugewamiu. 18 Ta ainaena yavenuwamwauwegomiu na aliguwena goula moiha amgimwala na ainaena amwasawasa, na hinage ale'o hewahewadi amgimwala na amli'wadi na havena mabugebugewamiu amlaulau, na hinage mulamula

**amgimwala na mehemiyai amhiwaidi na mehemiu himaseleuyo. 19 ‘Na amnuwatuwu avivini ebeha yaiyadiwo omiu yavelauwegomiu, ta yahinahinabodaigomiu neta ya'abiye dumwalugomiu ta amwahiyala na amnuwabui.**

**2 Kolinita 7:10 Nuwayababa Yaubada nuwanuwana wuwuna neta nuwabui yana abavetuwuni ta tomowa hilaulau yawahai ta hi'awa namwanamwaei. Na taumiya bale'u yadi nuwayababa ainaena mwalowoi hive'ave'alo.**

**1 Tauwasawasao 18:37 - Yaubada turned heart back to Yaubada.**

**2 Kolinita 4:4 Hiya nigele hiyayemidi wuwuna Tomodulele bale'u ana tauloina yababana yadi nuwatuwu i'auhidi. Iya iguduidi ta masele ihinahinalidi nigele howahowana na hi'ita lobai. Masele neta iya wasa namwanamwana ainaena ilalaomane. Na wasane ainaena Besinana yana vewasawasa i'abiye mahalava wuwuna iya Yaubada ana oleya moiha.**

**Luke 8:11-15 ‘Na walo vegevegedinane ana livahi teina dova: Patune neta Yaubada yana walo. 12 Na patuwowa amwahai hibebe'une hiya neta tomowa walo hibenali mohilei, na hesi Tomodulele ilaoma ta atediyena walowa ivaivehulune, ta nigele howahowana hiyemidi ebeha Yaubada howahowana ihaguidi. 13 Na patuwowa hibebe'une toputopu malagaigaimana aidiyai neta tomowaowa hiya Yaubada yana walo vehabana hiyaliiyaya, na hesi nigele lamlamdi hiyayaiyai wuwuna yadi yemidi nigele mwala'ina, ta ebe abatowoi aidiyai himahalava mata hibe'u. 14 Na patuwowa haihaili aidiyai hibebe'une neta tomowaowa hiya walowa hibenalei, na yadi nuwatuwu maudoina hilaulau nuwatuwu bagibagili yo wasawasa yo bale'u yaliyayanao aidiyai. Ainaena Yaubada yana walo aidiyai nigele ainona iyamahalava. 15 Na patuwowa toputopu namwanamwana aidiyai hibebe'une neta hiya tomowao mayadi atetalam Yaubada yana walo hibenaledi, yo mayadi alama'i'ita ainaena Yaubada yana walo aidiyai i'aino moiha.’**

**Paihowa 15:11 Ta yemidi'o ta Bada Yeisu yana ve'i'ilaea livahi tave'loya'o bada dova hiya hinage.'**

**Loma 8:13 Mata dova ta tamwalowoi, na hesi ada lautowoi tapitapiyana tata'wata'wataei na Yaubada Alu'aluwana tamulitaei ta ebe Alu'aluwanaena ada lautowoi tapitapiyana ta'oixe mwalowoi, ta ebe yawahi namwanamwana talobai.**